

2 Timoti

Poltä Timoti täño bänepi tänpidäm takta manbiñam ño kudän täñkuk

1 ¹⁻² ^a ^b Eruk nanakna Timoti bänepna gämäni, näk Pol, Kristo täño aposorotä man ño kudän täñ gamitat. Anututä iniken gärip terak aposoro piä u takta näk iwoyänpän peñ näweränkañ ämawebe man ñode yäwettän kuñat täyat; Nin Kristo-kät kowat-kwasikorän tänayän tämäño uwä Anututä irit bureni api nimek, yänkehärom tañkuko ude. Eruk Anutu Nan, ba Ekäninin Jesu Kristoken nanik orakorak, butewaki ba bänep pidämtä gäkä terak äroton.

Poltä Timoti täño bänepi täñkehärom tañkuk

³ ^c Oranaye nanayetä bänep siwoñi terak Anututa watä piä täñ yäpmän äbuño unitäño kodakini näkä udegän tak täyat. Täñkañ Timoti, gäka juku piñpän Anutu bänep täga nadän imiñpän uken yänpik man terak kepma biñani nadän gamik täyat. ⁴Täñpän gepmañpeñ kwayän täñira näka konäm butewaki täñkuno unita nadänpän äneñi gabänpän bänep täga pähap nadäktä gäripi-inik nadätat. ⁵ ^d Täñpäkañ nadäkinikka bureni, äbekka Lois kenta meñka Yunis uken patkuko unitä gäkä terak päreñpän itkukotä itak u nadätat. ⁶ ^e Mebäri unita näk nadän gamiñpän ñode gäwetat; Ketnatä gwäkkä terak peñira Anututä iron pähap täñ gamiñkuko u täñkehärom tañiri kädäp ikek kañ ahäwän. ⁷ ^f U imata, Anutu uwä täñmun-umun terak kuñatneta Munapik nämo nimiñkuk. Nämo inik, Kudupi Munapiki nimiñkuko uwä kehäromi ba bänep iron daiwän tokneñ nimik täyak. Ba täñkentän nimiñirän irit kuñat-kuñatninta watä it takamän.

^a 1:1 Efe 1:1 ^b 1:2 1Ti 1:2 ^c 1:3 Plp 3:5; Apos 23:1 ^d 1:5 Apos 16:1 ^e 1:6 1Ti 4:14
^f 1:7 Rom 8:15

^{8g} Unita Timoti gäk Ekäni tãjo manbiŋam yãjahãkta tãnjmãyak-mãyak nãmo tãnjpen. Ba komi eŋiken irani nãka man yãkta nãmo mãyak tãwen. Nãmo, Anututã kehãromi gamiŋirãn uterãkgãn Ekäni tãjo manbiŋamta yãjppãnj komi bãrãpi nãkã kotak tãyat udegãn kotakta nãmo umuntãwen. ^{9h} Tãjppãkaŋ Anutu uwã nin waki keri-ken nanik wãdãnj tãdotpãnj kudupi äboriye ude itta nimãgutkuk. Imaka tãga kubã tãnj imiŋitna unita yãjppãnj nãmo nimãgutkuk. Nãmoinik! Bian-inik, Anututã imaka kubã nãmo peŋkuk-ken uken iniken iron tãnj nimiŋpãnj Jesu Kristo wãpi terak nimãgutta iwoyãŋkuk. ¹⁰ⁱ Tãjppãnj bian-inik nin iwoyãŋkuko upãnjkaŋ apijo ironi u kwawak ñode niwoŋãretak; Nimãgurani Kristo Jesu uwã kwawak ahãnpãnj kumãnj-kumãnj tãjo kehãromi utpewãn maŋpãnkaŋ, mani biŋamta irit kehãromi kumãk-kumãk ikek nãmo unitãjo kudãn kwawak pewãn ahãtak.

^{11j} Tãjppãkaŋ nãk Anututã mani biŋam tãga u yãjahãkta iwoyãŋkuk. Tãnjkaŋ Manbiŋam Tãga unitãjo aposoro ba yãwetpãnj yãwoŋãrek äma ude itta imaka, iwoyãŋpãnj nepmaŋkuk. ¹² Tãjppãnj mebãri unitãgãn komi eŋi ñoken komi bãrãpi nadãnj itat. Upãnjkaŋ nãmo mãyak taŋpãnj, nadãnj imikinik tãk tãyat unita bãnep yarã nãmo tãk tãyat. Nãmoinik, nãk nadãkinik kehãromi ñode tãyat; U kehãromi nikekta piãni ketna terak peŋkuko unita watã it namiŋirãn piã u säkgãmãn tãnj yãpmãnj kuŋtãyiwa kadãni pãhap api ahãwek.

^{13k} Unita Timoti, man bureni tãjo tawaŋ nãkã gãwetpãnj gãwoŋãreŋkuro ugãnpãnj iwarãn tãjppãnj ämawebe udegãn yãwetpãnj yãwoŋãrek tãyi. Ude tãnjkaŋ Kristo Jesuta nadãnj imiŋpãnj ba gãripka uterãkgãn kaŋ pe. ^{14l} Tãjppãnj Munapik bãnepnin-ken it nimitak unitã tãŋkentãnj gamiŋirãn man bureni säkgãmãn yãnj gamani unita watãni it tãyi.

¹⁵ Butewaki! Timoti, notnaye Esia komeken nanik kuduptãgãn nabãkãtãnj moreŋkuŋo uku nadãŋkuno u. Tãjppãnj notnapakyat Figelus kenta Hemogenestã udegãn nabã kãtãŋkumãn. ^{16m} Tãjppãkaŋ Onesiforustã ude nãmo tãŋkuk. U nãk komi eŋiken irira nãka nãmo mãyak taŋpãnj kadãni kadãni bãnep pidãm tãnj namik tãŋkuk. Unita nãk Ekãnitã Onesiforus-kãt äboriyeta butewaki nadãnj yãmekta yãŋapik man yãk tãyat. ¹⁷ Äma unitã Rom komeken ahãnpãnj nãka gwãk pimiŋpãnj wãyãkŋeŋkã nabãnj ahãŋkuk. ¹⁸ⁿ Ba ugãn nãmo, Efesus komeken tãŋkentãk pãhap tãnj namik tãŋkuko u imaka, biŋam nadãŋkuno u. Unita Ekãnitã kadãni pãhapken butewaki kaŋ nadãnj imãn yãjppãnj yãŋapik man yãk tãyat.

Timoti uwã Ekäni tãjo komi äma ude

2 ¹ Eruk ironjina Timoti, Kristo Jesutã iron pãhap äboriyeta tãnj yãmik tãyak u yãpmãnj wãdãnpãnj kehãrom taŋpãnj kuŋat tãyi. ² Ude

^g 1:8 Rom 1:16 ^h 1:9 Efe 2:8-9; Tai 3:5 ⁱ 1:10 1Ko 15:55-57; Hib 2:14 ^j 1:11 1Ti 2:7

^k 1:13 1Ti 1:10, 1Ti 4:6, 6:3; Tai 1:9, 2:1 ^l 1:14 1Ti 6:20 ^m 1:16 2Ti 4:16 ⁿ 1:18 Jud 21

tānpānjā gāk ba āmawebe māyap nadānjirā man yānjahāk tānjukuro u āma ātu Anutu tājo man kehāromi iñitpāj yāpmāj kuṇat tākaṇ u yāwetpāj yāwoṇārek tāk tāyi. Tānjiri unitā āma ātu tāga yāwetpāj yāwoṇārekgān api tāneṇ. ³ Tānpāj gāk Kristo Jesu tājo komi āma tāga ude itkaṇ komi bārāpi yāpmākta nāmo gaṇa tāwen. ⁴ Komi āma bureni tājo mebāri nadātan? U intājukun āmanatā nāka tāga nadāj namān yānpāj piā, āma jopitā tāk tākaṇ u nāmo tāk tākaṇ. Nāmo, u gwāk pimijpāj piā yāj yāmani kehāromigān tāk tākaṇ. ⁵ Ba āma nārepmirek-gārepmirek-ken bārājek tākaṇ unita nadā. Āma udewaniwā noriye yārepmitpāj intājukun ahānpāj gwāki yāpayāj nadānpājā, nārepmirek-gārepmirek unitājo бага man siwoṇi iwarek. Baga man nāmo iwatpāj jopjop tānjepeko uwā gwāki nāmo yāpek. ⁶ Ba man wārani kubā ṇode; Āma kubā ketem piā taṇigān tānjepeko uwā kowatawā noriye ātu yārepmitpāj ketem taṇigān nānjepek. ⁷ U unita Timoti, man gāwetat ṇonita juku piṇpāj kuṇariri Ekānitā nadāk-nadākka api tānjkwawa tāwek. Tānjirān unitājo mebāri api nadāwi-tāreneṇ.

⁸ Tānpākaṇ gāk Jesu Kristota nadājit nadājit kuṇaren. U Devit tājo oranitā kumbani-ken naniktā akuṇkuk yāj mani biṇam ude tāwet tānjukuro ukeṇo. ⁹ Mani biṇam unitagān yānpāj komi pāhap nadāk tāyat. Tānpākaṇ waki tānpani ude topmānpāj nepmaṇkuṇo itat. Upānkaṇ Anutu tājo man uwā nāmo topani! ¹⁰ U unita āmawebe Anututā inita iwoyāwani u tānjkentāj yāmikta nadānpāj nāk bānepna tāṇ-tāpāneṇpāj komi bārāpi ṇo kotaṇ itat. Āmawebe uwā Jesu Kristo terak irit bureni itak u yāpmānpāj kāmiwā Jesu-kāt peṇyājek gānaṇ tārek-tāreki nāmo itneṇta komi ṇo nadātat.

¹¹ U unita man ṇode pātak u bureni-inik;

Jesu-kāt bureni kumbumājo tānpāwā irit kehāromi-ken Jesu-kāt penta api itne.

¹² Tānpāj komi bārāpi kotaṇpāj nāmo kwitanayāj tāmājo uwā Jesu-kāt yabāj yāwat piā bok api tāne.

Upānkaṇ Jesuta āwo yānayāj tāmājo uwā Jesutā kowata ninta āwo api yāwek.

¹³ Tānpākaṇ nin Jesu iwatta yānjekehārom taṇkumājo u irepmitnero upānkaṇ Jesutā ude tākta yānjekehārom taṇkuko u nāmo api irepmirek. Nāmoinik! U imata, iniken mebāri ba tāktāki tāga nāmo irepmirek.

° 2:3 2Ti 1:8, 4:5 P 2:5 2Ti 4:8 q 2:6 1Ko 9:7,10 r 2:8 1Ko 15:4,20; Rom 1:3

s 2:9 Efe 3:1,13; Plp 1:12-14 t 2:10 Kol 1:24 u 2:11 2Ko 4:11 v 2:12 Mat 10:33

w 2:13 Rom 3:3-4; Nam 23:19; Tai 1:2

Piä äma Anututä gäripi nadäk imani

14^x Unita Timoti, gäk kadäni kadäni man ŋowä yäwetpäj yäwoŋjärek täk täyi. Tänpäkaŋ man jopita yäŋawät-awät täneŋta Anutu injamiken man kehäromi kaŋ yäwet. Man udewanitä äma kubä täga nämö täŋkentäj imek. Nämoinik, äma man u nadäk täkaŋ unitäŋo bänepi tänpänwak täkaŋ. 15^y Tänpäkaŋ Anututä nadäj gamiŋirän tägawekta gwäk pimiŋpäj piäka täk täyi. Ude täŋkaŋ man bureni pähap siwoŋigän yäŋahäj yäpmäj kuŋiri mäyäktä piä äma gäkä terak ärowektawä. 16^z Ba man jopi, kome täŋo nadäk unita yäŋuruk-uruk yäŋirä nämö nadäwen. Ude täk täkaŋ uwä täŋ yäpmäj kuŋkä man jopi kehäromi-inik iŋitpäj Ekäni täŋo man pekinik api täneŋ. 17^a Man udewani uwä paräm tokŋeŋ äronpäj äma gupi tänpäwak täkaŋ udewani. Äma udewani-ken nanik kubä wäpi Himeneus, kubä Filetus. 18 Äma yarä u man bureni peŋkaŋ ŋode yäk täkamän; Ämatä kumbani-ken nanik akukakuk u bian ahäŋkuko unita nin kumänpäj äneŋi nämö api akune yäk. Tänpäj man udewani terak ämawebe täŋo nadäkiniki tänpän waŋirä nadäkiniki pewä putärek täkaŋ. 19^b Upäŋkaŋ ämatä eŋi tänayäj nadänpäj bek kehäromi änek täkaŋ ude Anututä iniken äboriye kehäromi nitek itneŋta bek kehäromi äneŋ-kireŋkuko pen itak. Bek uterak man kudän ŋode kudän täwani itak; Ekänitä äboriye bureni-inik unita nadätak. Tänpäj man kudän täwani kubä pen ŋode bek uterak itak; Ämawebe Ekäni wäpi yäpmäj kuŋat täkaŋ uwä kädet wakita mäde ut imineŋ.

20^c Timoti, gäk nadätan? Äma wäpi biŋam ikek täŋo eŋi gänaŋä pärek ba käbot ätuwä gol siriwapäj tänpäni. Ba ätuwä päya kujat kenta komepäj tänpäni. Imaka uwä ätu piä täga täkta biŋam ba ätuwä piä jopi mebäri mebäri u täŋkaŋ jop maŋpä kukta yäwani. 21^d Tänpäkaŋ äma kubä iniken irit kuŋat-kuŋariken wakini peŋpäj kuräki irayäj täko uwä käbot siliwa ba golpäj tänpäni, piä täga täkta biŋam yäwani, kudupi ude api irek. Äma udewani uwä Mähemi täŋo piä tägatäga täkta biŋam yäwani. Uwä Mähemi täŋo piä täkta pidämtak täyak unita Mähemitä piä man u ba u täga iwerän tänpök. 22^e Unita gäk kadäni kadäni nadäk waki gubanitä yäpmäj kuŋat täkaŋ u mäde ut imiŋpäj kädet tägatäga ŋodewani u iwatta gwäk pimiwen; Täktäk siwoŋi, Anututa nadäkinik bureni, bänep iron, bänep kwini. Imaka tägatäga u ämawebe bänep nadäk-nadäki siwoŋitä Anutu yäpmäj wädäk täkaŋ u täŋkentänpäj penta kaŋ iwarut. 23^f Tänpäj nadäk-nadäki gwäjiwanitä jopman yäk täkaŋ unita juku nämö peneŋ. Nadätan, man udewanitä ämik man pewä ahäk

^x 2:14 1Ti 6:4; Tai 3:9 ^y 2:15 1Ti 4:6; Tai 2:7-8 ^z 2:16 1Ti 4:7 ^a 2:17 1Ti 1:20

^b 2:19 Nam 16:5,26; Jon 10:14, 1Ko 8:3; Ais 52:11 ^c 2:20 1Ko 3:12 ^d 2:21 2Ti 3:17

^e 2:22 1Ti 6:11 ^f 2:23 1Ti 4:7

tākaŋ. ^{24s} Tāŋpāŋ Ekāni tāŋo piā āmatā man wārāt-wārāt nāmo tāŋpek. Nāmo, u āma kuduptagān not tāŋ yāmiŋpāŋ Ekāni tāŋo man meni tāŋpidām-pidām terak ba bānep kwini terak yāwetpāŋ yāwoŋārewek. ^{25h} Tāŋpāŋ āma nadāk-nadāk gwājiwani yāpmāŋ kuŋat tākaŋ u bānep tāga terak yāwetpāŋ yāwoŋārewek. Yāwetpāŋ yāwoŋārek tāŋjirān Anututā nadāŋ yāmiŋjirān bānep sukureŋpāŋ man burenita nadākinik āneŋi kāwep tāneŋ. ²⁶ Ude tāneŋo uwā nadāwā tumbāpāŋ Satantā iniken mani iwatneŋta buŋep pewān yepmāŋireko u dat-kwinitpeŋ kuneŋ.

Kadāni bāmopi-ken wakitā api ahāŋ pārek

3 ¹ⁱ Man ŋonita juku peŋpāŋ nadā! Kadāni tārek-tārekken bārāpi mebāri mebāri api ahāneŋ. ^{2j} Āmatā initagān nadāŋkaŋ moneŋ wādāk-wādākta gāripi api nadāneŋ. Tāŋpākaŋ ini wāpi yāpmāŋ āroŋpāŋ ārowani pāhap tāŋpāŋ yāŋawāt-awāt ba noriye man wakiwaki api yāwetneŋ. Ba miŋiye naniye tāŋo man api utneŋ. Tāŋkaŋ iron kādetta bānep tāga nāmo api nadāneŋ. Uwā Anutu ini ba, unitāŋo man māde api ut imineŋ. ³ Uwā āmawebe not nāmo api tāŋ yāmineŋ, ba āma kubātā waki tāŋ yāmiŋjirān momini nāmo peŋ imiŋpāŋ yāŋwawak man api yāneŋ. Ba āma yāŋpāŋ-yabāŋ yāwat api tāneŋ. Tāŋpāŋ iniken gupi tāŋo gārip ugān api iwatneŋ. Uwā komi tāŋpāŋ āmik bumta api tāneŋ. Ude tāŋkaŋ kādet tāgata iwan api tāneŋ. ⁴ Ba iniken noriyeta waki tāŋ yāmiŋpāŋ iniken nadāk waki tāropigān api iwatneŋ. Tāŋkaŋ inita nadāŋjirā ārowani pāhap api tāneŋ. Ude tāŋkaŋ Anututa gāripi nadānaŋipāŋ kome tāŋo gāripgān api iwarān tāneŋ. ^{5k} Tāŋpākaŋ Anutu tāŋo kādet bureni-inik, kehāromi nikek unita ket nāmo nadāŋkaŋ gupitāgān api iwatneŋ. Eruk Timoti, āma udewani yabāŋ umuntaŋpāŋ ukāt itpāŋ-nadāk kubā nāmoinik tāŋpen.

^{6-7l} Tāŋpākaŋ āma udewani ātutā webe nadāk-nadāki kwini unitā eŋiken kābop ārok tākaŋ. Āroŋkaŋ man jopi-jopi yāŋ-yākŋat-pewā nadākiniki āma uterak pek tākaŋ. Webe uwā nadāk-nadāki kehāromi nāmo unita bānep nadāŋ gāripitā momi-ken yāmagurirā nadāwātāk pāhap tāk tākaŋ. Tāŋkaŋ nadāk-nadāk yāpmākta gāripi nadāk tākaŋ upāŋkaŋ Anutu tāŋo man bureni u tāga nāmo nadāwā tārek tākaŋ. ^{8m} Tāŋpākaŋ āma kādet udewani tāk tākaŋ uwā man burenita iwan tāk tākaŋ, bian āma yarā wāpi Janes kenta Jabrestā Moses tāŋo manta iwan tāŋkumāno udegān. Āma udewani tāŋo nadāk-nadāki wawākaŋ Anututa nadākinik nāmo tāŋ imik tākaŋ. ⁹ Upāŋkaŋ tāktāki waki u kadāni kāroŋi tāga nāmo api tāneŋ. Nāmo, āmatā unitāŋo kādet u kaŋpāŋ nadāwā guŋ

^s 2:24 1Ti 3:3; Tai 1:7 ^h 2:25 1Ti 2:4 ⁱ 3:1 1Ti 4:1 ^j 3:2 Rom 1:29-31 ^k 3:5 Mat 7:15,21; Rom 2:19-20; Tai 1:16 ^l 3:6 Tai 1:11 ^m 3:8 2Ti 2:25; Kis 7:11,22, 1Ti 6:5

täño bumik api tänppek, bian äma Janes kenta Jabres täño täktäki kañpän nadänkuño ude. Ude kañpän nadänpän nämo api iwarän täneñ.

Timoti, Anutu täño man inñit-inik täyi

¹⁰Upänkañ Timoti gähä bian näkkät itpäñ Anututä kädet gäripi nadäk täyak u ämawebe yawetpäñ yawoñarek täñira nabänpän-nadänkun. Ba täktäkna imaka, u nadätan. Ba imaka u ba u täk täyat u mebäri imata täk täyat u nadätan. Tänpän mebärina ñode nadätan; Näk Anutu nadän imikinik täk täyat, bäräpi gänañ nämo kwitak täyat, ämawebe iron täñ yämik täyat, ba piä ehuranigän täk täyat. U kudup nadätan. ¹¹ⁿ Täñkañ komi bäräpi täñ namiñkuño u imaka, nadätan. Antiok komeken, Aikoniam komeken, ba Listra yotpärare-ken komi namiñirä komi pähap nadänkut. Ude upänkañ Ekänitä bäräpi u kudup ketareñ namiñkuk. ¹²^o Bureni-inik, äma kuduptagän Jesu Kristota yänpän Anutu täño man iwatnayän täño uwä komi bäräpi api ahän yämek. ¹³Tän, äma täktäki taräkikät jop yän-yäkñarani ämatä ini bänepken ba ätu täño bänepiken yän-yäkñat piä täñtäko tañi-inik ahänpän api weñ pärek.

¹⁴^p Tänpäkañ Timoti, gähä man bureni gawetpäñ gawoñareñirä nadäkinik täñkuno u inñit-inik tänpän kañ kuñat. U imata, äma man u gawetpäñ gawoñareñkuño unitäño mebäri u nadätan. ¹⁵^q Ba gäk ironikentä yäput peñpän Anutu täño man u nadän yäpmän äbätan u bureni-inik yän nadätan u. Anutu täño man u kehäromi ñodewani; U bänepka-ken peñyänpek pewän ahän gamiñirän Kristo Jesu nadän imiñpän irit kehäromita biñam täga api tänpen. ¹⁶^r Tänpäkañ Anutu täño man kudän täwani u kudup Anutu täño Munapiktä täñmeham tañirän ahän moreñkuñ. Man u danipän nadäk täñitna man bureni täño mebäri niwetpäñ niwoñarek täk täyak. Ba unitä ämawebe nadäk-nadäki gwäjiñ ärowani yäpän-siwoñtakta yabän yäk täyak. Ba kädet gwäjiwani yänpän yäpän-siwoñtak täyak, ba kuñat-kuñat siwoñi niwetpäñ niwoñarek täk täyak. ¹⁷Tänpäkañ Anutu täño mantä ämawebeniye bänepi-ken piä ude täñtäyon piä täga mebäri mebäri säkgämän täneñta pidämtak täkañ.

Timoti, Anutu täño piä gwäk pimiñpän täyi

4 ¹^s Timoti, näk Anutu inñamiken ba Kristo Jesu äma kumbani ba kodak irani bok yäpmän daniwayän täyak u inñamiken jukuman kubä gawerayän. Kristo Jesu u äneñi kwawak ahänpän ämawebeta intäjukun it yämayän täyak unita ñode peñ gawetat; ²^t Unitäño manbiñam ehuranigän yänahänpän yawet täyi. U kadäni kadäni,

ⁿ 3:11 Apos 13:50; Apos 14:5,19; Sam 34:19 ^o 3:12 Mat 16:24; Jon 15:20; Apos 14:22

^p 3:14 2Ti 2:2 ^q 3:15 Jon 5:39, 1Pi 1:20-21 ^r 3:16 Rom 15:4, 2Ti 2:21 ^s 4:1 Apos 10:42; Rom 14:9-10 ^t 4:2 Apos 20:20,31

ämawebe man u nadäneŋ ba nämo nadäneŋo u jop uken gwäk pimiŋpäŋ Kristo täŋo manbiŋam yäwet täyi. Ude täŋpäŋ ämawebe täŋo nadäk-nadäki yäpi-siwonŋtak täkot. Täŋkaŋ kädet gwäjiwani iwarani u jukuman kehäromigän kaŋ yäwet. Ba äma nadäŋ bäräp ikek bänepi täŋpidäm taŋ yämik täyi. Piä u täkta nämo gaŋa taŋpäŋ Kristo täŋo man kädet ket täŋpäŋ yäwetpäŋ yäwoŋärek kaŋ tä.

³ Nadätan, kämiwä ämawebetä Anutu täŋo man mebäri bureni nintä yäwetpäŋ yäwoŋärek täk täkamäŋ u nadäkta api bitnäneŋ. Man burenita bitnäŋkaŋ yäwetpäŋ yäwoŋärek äma bänep ärik-ärik man yäwani unita äbä niwetpäŋ niwoŋärewwut yäŋpäŋ gera api yäneŋ. Man jopi ini bänepitä gäripi nadäk täkaŋ ugän api nadäneŋ. ⁴ Man bureni peŋpäŋ kobap man api nadäneŋ. ⁵ Täŋpakaŋ Timoti gähä bänep nadäk-nadäkka ba irit kuŋat-kuŋatkata watäni kaŋ it. Täŋpäŋ Kristota yäŋpäŋ komi ba bäräpi kotakta nämo bitnäwen. Täŋkaŋ Anutu täŋo man yäŋahäk-ahäk piä säkgämän kaŋ tä. Ude täŋkaŋ Anutu täŋo watä äma gähä piä yäŋ-gamani u kudup kaŋ täŋ more.

Pol täŋo kumäk-kumäk kadäni keräp taŋkuk

⁶ Täŋpakaŋ nähä paorayäŋ. Bian Anutu iniŋ oretta wain ume piwä kuŋkuŋo ude nägätna api piwä kunenŋ. Kumäŋpeŋ kukkukna kadäni keräp täyak. ⁷ Upäŋkaŋ nämo umuntäyat. Nämoinik, äma närepmirek gärepmirek täŋkaŋ gwäk pimiŋpäŋ bäräneŋ päŋku бага pewani-ken ahäk täkaŋ näk udegän nämo kwitaŋkaŋ bäräneŋ yäpmäŋ äbätängän бага pewani-ken ahätat ŋo! Näk nadäkinikna nämo pewa putäreŋkuŋ. ⁸ Unita nadätat, siwoŋi kuŋat-kuŋat täŋo gwäki tägagämän u näkä yäpmäkta itak. U kadäni pähapken Ekäni, ämawebe täŋo täktäk yäpmäŋ daniwani äma siwoŋi-inik unitä api namek. Täŋpakaŋ gwäki säkgämän u näkagän nämo api namek. Nämoinik, ämawebe Ekänitä äbäkta bänep peŋpäŋ itsämäk täkaŋ unita imaka, api yämek.

Man paotpaot

⁹ Täŋpakaŋ Timoti, gwäk pimiŋpäŋ näkken bäräneŋ äbi. ¹⁰ Butewaki pähap, notnapak Demas unitä kome täŋo gärip iwatpäŋ nabä kätäŋpeŋ Tesalonaika komeken kuŋkuk. Täŋpakaŋ Kresens imaka nabä kätäŋpeŋ Galesia komeken kuŋkuk. Kuŋirän Taitus Dalmesia komeken kuŋkuk. ¹¹ Täŋpakaŋ Lukkät ninekgän itkamäk. Unita Timoti, Mak yäwikaŋ bok kaŋ äbun. Unitä piä täga api täŋkentäŋ namek. ¹² Täŋkaŋ notninpak Tikikus uwä iniŋ kirewa Efesus komeken u äreŋkuk. ¹³ Täŋpakaŋ gäk

^u 4:3 1Ti 4:1, 2Ti 1:13 ^v 4:4 1Ti 4:7 ^w 4:6 Plp 2:17 ^x 4:7 1Ti 6:12 ^y 4:8 1Ko 9:24-25;
Rev 2:10 ^z 4:9 2Ti 1:4 ^a 4:10 Kol 4:14; Tai 1:4 ^b 4:11 Kol 4:14; Apos 15:37-39
^c 4:12 Efe 6:21-22 ^d 4:13 Apos 20:6

äbayän yänpänjä näkjo mänit tek Troas yotpärare-ken Kapustä eniken yäjo pmänjpän penkuro u yäpmänkañ kañ äbi. Ba näkjo buk kenta man kudän moräki tänpän pewani u imaka, kañ yäpmän äbi.

^{14e} Eruk, Aleksada kapa-pän imaka imaka tänpäni unitä waki mäyap täñ naminkuk. Unita Ekänitä kowata api imek. ¹⁵ Äma unitä man yäwetpän yäwojäre k täñkumänjo u mäyap utpän yejamäk täñkukonik. Unita udegän täñ gamekta watäni itpeñ kañ kuñat.

^{16f} Nadätan? Man piäken pengän itkut-ken uken notnapak kubätä näk gäarak nämo itkuk. U kudup nabä kätänpeñ kuñkuñ. Unitänjo momini uwä Ekänitä peñ yämiton. ^{17g} Bureni, notnayetä nabä kätänpeñ kuñkuñjo upänkañ Ekänitäwä nämo nepmanjuk. Nämo, u mani biñam guñ äbotken yänahänjira unitä nadäkta manna täñmeham tänpän kehäromi naminkuk. Tänpän tom komi, äma yewani meni-ken nanik ketärenpän nepmanjuk. ¹⁸ Ude täñ naminkuko udegän, Ekäni uwä waki mebäri mebäri uken nanik ketärenpän kunum gänäñ irit bägupi täga u gänäñ api nepmanpek. Tänpäkañ Ekäni uterak epmäget peñyänjek pen mät it yäpmän ärowek. U bureni!

^{19h} Eruk, yanäpi yarä Prisila kenta Akwila ukät Onesiforus ba unitänjo äboriye näkjo mena yäpmänjpän bänep täga man yäwet. ²⁰ⁱ Butewaki, notnapak Erastus u Korin yotpärare-ken itkukotä pen itak. Ba Trofimus käyäm tänpewän Miletus komeken teñkut. ²¹ Unita Timoti, iwän mänit kadäni nämo keräp täñjirän gäkä jukun kañ äbi. Tänpäkañ notkapak Yubulustä bänep täga gäwetak. Ba Prudens, Linus, Klodia ukät äma ätu Kristo wäpi terak notkaye wanotkaye itkañ u kuduptagän udegän bänep täga man gäwetkañ.

²² Eruk, Ekänitä bänep nadäk-nadäkka-ken iton. Täñkañ unitänjo orakorakitä gäk uwäktän gamiton.

^e 4:14 1Ti 1:20; Sam 62:12; Snd 24:12; Rom 2:6 ^f 4:16 2Ti 1:15 ^g 4:17 Apos 23:11, 27:23; Dan 6:22 ^h 4:19 Apos 18:2, 2Ti 1:16-17 ⁱ 4:20 Apos 19:22, 20:4